



Bosnia and Herzegovina
Federation of Bosnia and Herzegovina
CANTON SARAJEVO
Ministry for Science, Higher Education and Youth

Broj: 27-02-35-41420/24
Sarajevo, 11.9.2024. godine

Na osnovu Budžeta Kantona Sarajevo za 2024. godinu ("Službene novine Kantona Sarajevo", broj: 55/23), Odluke o usvajanju programa utroška sredstava s kriterijima raspodjele tekućih i kapitalnih transfera utvrđenih Budžetom Kantona Sarajevo Ministarstva za nauku, visoko obrazovanje i mlade za 2024. godinu ("Službene novine Kantona Sarajevo", broj: 4/24) i Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj: 22/21, 13/22 i 21/24), Ministarstvo za nauku, visoko obrazovanje i mlade Kantona Sarajevo objavljuje

„Javni poziv za sufinansiranje udruženja, neprofitnih organizacija i studentskih organizacija za sufinansiranje troškova pripremanja i organizacije konferencija i skupova iz Budžeta Kantona Sarajevo za 2024. godinu”

I – Predmet Javnog poziva

Predmet Javnog poziva je dodjela novčanih sredstava iz Budžeta Kantona Sarajevo za 2024. godinu za udruženja, neprofitne organizacije i studentske organizacije za 2024. godinu.

Za ovaj Javni poziv u Budžetu Kantona Sarajevo za 2024. godinu osigurano je 55.000,00 KM (slovima: pedesetipethiljadakonvertibilnihmaraka)

II – Udruženja i organizacije mogu aplicirati na sljedeći program:

SUFINANSIRANJE TROŠKOVA PRIPREMANJA I ORGANIZACIJE KONFERENCIJA I SKUPOVA NA PODRUČJU KANTONA SARAJEVO

Osigurana sredstava: **55.000,00 KM** (slovima: pedesetipethiljadakonvertibilnihmaraka).

III - Pravo na dodjelu sredstava imaju:

1. Udruženja i organizacije koje ispunjavaju kriterije ovog javnog poziva i koje su registrovane na području Kantona Sarajevo;
2. Udruženja i organizacije koje su dostavile izvještaj o namjenskom utrošku dodijeljenih sredstava po Javnom pozivu za sufinansiranje naučnoistraživačkih/umjetničkoistraživačkih i istraživačkorazvojnih projekata i programa iz Budžeta Kantona Sarajevo za prethodnu godinu, prije **objave ovog javnog poziva**;
3. Studentske organizacije koje su registrovane u Registru studentskih organizacija u skladu sa Zakonom o studentskom organizovanju ("Službene novine Kantona Sarajevo", broj: 11/10) i



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

Pravilnikom o registru studentskih organizacija na području Kantona Sarajevo ("Službene novine Kantona Sarajevo", broj: 47/14) i koje su izvršile ažuriranje podataka u registru, u skladu sa aktom Ministarstva za nauku, visoko obrazovanje i mlade Kantona Sarajevo, broj: 27-04-04-31704/22 od 18.08.2022. godine.

Konferencije i skupovi na području Kantona Sarajevo moraju biti pripremljeni i organizovani do kraja 2024. godine.

IV - Podnosioci prijave trebaju ispunjavati sljedeće uslove i dostaviti odgovarajuće dokaze kako bi mogli konkurisati za dodjelu sredstava i to:

1. Dokaz o urednom ispunjavanju obaveza iz svih prethodno zaključenih ugovora o finansiranju i sufinansiranju iz budžetskih sredstava (ili po osnovu ranije dodijeljenih sredstava, ako nisu zaključili ugovore);
2. Dokaz o urednom ispunjavanju obaveza i doprinosa;
3. Izjava da se protiv podnosioca aplikacije, odnosno lica ovlaštenog za zastupanje i voditelja aktivnosti/programa/projekta ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup;
4. Za podnosiocce aplikacije koji su neprofitne organizacije, interni akt ukoliko je preneseno javno ovlaštenje, uspostavljen model dobrog finansijskog upravljanja i kontrola u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine ("Službene novine Federacije BiH", broj: 38/16) način sprečavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse za provođenje programa ili projekta, programa javnih potreba, javnih ovlaštenja, odnosno pružanje socijalnih usluga i sl.

V - Projekat koji se kandiduje za dodjelu sredstava vrednovat će se po osnovu sljedećih kriterija:

1. Da se konferencija/skup organizuje na području Kantona Sarajevo;
2. Kvalitet i relevantnost projekta, odnosno da je usmjeren na zadovoljavanje društvenih interesa;
3. Jasno identificirana potreba za realizacijom projekta i vremenski plan aktivnosti;
4. Broj sudionika (direktnih/indirektnih) koji su uključeni u realizaciju u odnosu na planirane aktivnosti i finansijski plan;
5. Precizno i jasno definisani ishodi projekta te direktni i indirektni uticaj na ciljne grupe;
6. Adekvatnost i opravdanost finansijskog plana projekta sa razrađenim informacijama o ukupnom iznosu finansijskih sredstava potrebnih za provođenje projekta;
7. Inovativnost i kompetitivnost istraživanja na međunarodnom/nacionalnom nivou;
8. Učešće drugih partnera u realizaciji, kapacitet i reference aplikanata i dosadašnje iskustvo;
9. Da je međunarodno i društveno značenje konferencije/skupa takvo da omogućava izuzetan doprinos širenju misli, kritičkoj razmjeni mišljenja, jača vidljivosti i internacionalizaciju;
10. Da konferencija/skup predstavlja mogućnost uspostavljanja trajnih veza i saradnje s domaćim i stranim ustanovama te ima tradiciju održavanja.



VI - Teme od interesa

Konferencije i skupovi koji se organizuju na području Kantona Sarajevo mogu obuhvatati teme iz svih oblasti i segmenata razvoja tehnologije u svijetu, a koje doprinose razvoju i unapređenju života mladih, jačanju javnog sektora kroz njegovo unapređenje i digitalizaciju poslovnih procesa, razvoja poduzetništva i prepoznavanja poslovnih prilika, zapošljivost i konkurentnost mladih na tržištu rada, održivi razvoj zajednice, očuvanje kulturne i prirodne baštine, interkulturalizam i multikulturalizam, ljudska prava, odgovornost i aktivno građanstvo, EU i mladi, uključivanje mladih u proces pridruživanja Europskoj uniji, unapređenja mobilnosti mladih i sl.

VII - Prijavna dokumentacija

Prijava na Javni poziv se podnosi na propisanim obrascima, koji su objavljeni u prilogu ovog Javnog poziva.

Uz popunjen, potpisan i ovjeren Prijavni obrazac potrebno dostaviti slijedeću dokumentaciju:

1. **Obrasci 24/1, 24/2 i 24/3-** potpisani od strane ovlaštene osobe za zastupanje udruženja/organizacije/studentске organizacije i ovjeren pečatom;
2. Potpisan i ovjeren kod nadležnog organa **Obrazac izjave o saglasnosti za obradu ličnih podataka;**
3. Izvadak iz Registra udruženja i organizacija sa datumom izdavanja koji nije stariji od šest (6) mjeseci od dana objavljivanja Javnog poziva (*original ili ovjerena kopija*);
4. Uvjerenje o poreznoj registraciji - ID broj (*original ili ovjerena kopija*);
5. Potvrda iz banke o solventnosti računa i transakcijski broj, ne stariji od mjesec dana od dana objavljivanja Javnog poziva (*original ili ovjerena kopija*);
6. Zapisnik sa sjednice nadležnog tijela (Skupština, Upravni odbor) na kojoj su usvojeni izvještaj o radu sa finansijskim planom za prethodnu godinu i plan i program rada sa finansijskim planom za tekuću godinu (*original ili ovjerena kopija*);
7. Uvjerenje Porezne uprave o izmirenim poreskim obavezama udruženja/organizacije i o izmirenim porezima i doprinosima za zaposlenike, sa datumom izdavanja koji nije stariji od 3 mjeseca od dana objavljivanja Javnog poziva. Udruženje/organizacija koja nema zaposlenike, pored dostavljenog Uvjerenja o izmirenim poreskim obavezama udruženja/organizacije, dostavlja izjavu potpisanu od strane ovlaštene osobe za zastupanje u pravnom prometu i ovjerenu pečatom udruženja/organizacije da nema zaposlenika sa datumom izdavanja koji nije stariji od 3 mjeseca od dana objavljivanja Javnog poziva;
8. Bilans stanja i bilans uspjeha ovjeren od strane nadležne Finansijsko - informatičke agencije (FIA) za 2023. godinu (*original ili ovjerena kopija*);
9. Dokaz o uredno dostavljenom izvještaju o utrošku dodijeljenih sredstava za projekte po javnim pozivima za prethodnu godinu sa pozicije Ministarstva za nauku, visoko obrazovanje i mlade Kantona Sarajevo (potvrda nadležnog ministarstva ili Službe za protokol Kantona Sarajevo o prijemu izvještaja o utrošku sredstava);
10. Izjava o ukupnom broju članova i strukturi udruženja i organizacija potpisana od strane osobe ovlaštene za zastupanje udruženja i organizacija u pravnom prometu i ovjeren pečatom udruženja i organizacija sa datumom izdavanja koji nije stariji od 3 mjeseca od dana objavljivanja Javnog poziva;
11. Izjava ovlaštene osobe za zastupanje da je međunarodno i društveno značenje konferencije/skupa takvo da omogućava izuzetan doprinos širenju misli, kritičkoj razmjeni mišljenja, jača vidljivosti i internacionalizaciju;



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

3/5

12. Izjava da konferencija/skup predstavlja mogućnost uspostavljanja trajnih veza i saradnje s domaćim i stranim ustanovama te ima tradiciju održavanja.

VIII - Ograničenja korištenja sredstava:

1. Udruženje/organizacija koja aplicira po ovom javnom pozivu može kandidovati isključivo jedan projektni prijedlog;
2. Odobrena sredstva udruženje i organizacije ne mogu koristiti za isplate administrativnih troškova (personalni troškovi, struja, voda, prevoz, telefon, mobitel, fax, poštanski troškovi) u iznosu većem od 30% odobrenih sredstava;
3. Odobrena sredstva ne mogu se koristiti za tehničku opremu i servisne usluge (IT oprema, usluge krečenja, održavanja i sl.);
4. U toku realizacije projekta bilo koja statusna promjena udruženja i organizacije ili sadržaja projekta, udruženja i organizacije su dužane obavijestiti Ministarstvo za nauku, visoko obrazovanje i mlade Kantona Sarajevo u pisanoj formi, najmanje 7 dana od dana nastale promjene.

IX - Način prijavljivanja, mjesto i rok za dostavu prijave na Javni poziv

Prijava na javni poziv obavezno se podnosi u formi popunjenih obrasca koji je sastavni dio ovog javnog poziva i koji se mogu preuzeti sa internet stranice Ministarstva (www.mon.ks.gov.ba). Prijave koje ne budu podnesene u formi propisanih obrasca i koje ne budu potpuno i ispravno popunjene, smatrat će se neurednim i takve prijave će biti isključene iz daljnje procedure dodjele sredstava.

Dokumenti se dostavljaju u originalu ili ovjerenoj kopiji. Sve kopije dokumenata moraju biti ovjerene od nadležne općinske službe ili notara, a obrasci i izjave moraju biti potpisane od strane osobe ovlaštene za zastupanje udruženja i organizacija u pravnom prometu i ovjerene pečatom udruženja i organizacija. Ukoliko izjave/obraci **ne budu ovjereni**, kao ni potpisani i ovjereni pečatom udruženja i organizacija kako je traženo ili ukoliko isti ne budu popunjeni shodno traženom, prijava će biti isključena iz daljnje procedure dodjele sredstava.

Prijava na javni poziv sa naprijed traženom dokumentacijom podnosi se u zatvorenoj koverti sa naznakom „NE OTVARAJ“ na protokol Kantona Sarajevo ili putem pošte na adresu:

KANTON SARAJEVO

MINISTARSTVO ZA NAUKU, VISOKO OBRAZOVANJE I MLADE

Prijava na „Javni poziv za sufinansiranje udruženja, neprofitnih organizacija i studentskih organizacija za sufinansiranje troškova pripremanja i organizacije konferencija i skupova iz Budžeta Kantona Sarajevo za 2024. godinu“

Ul. Reisa Džemaludina Čauševića br 1
71 000 Sarajevo

Sa naznakom podataka o aplikantu (naziv i adresa)

Javni poziv je otvoren 15 dana od dana objavljivanja u dnevnom listu i internet stranici Ministarstva za nauku, visoko obrazovanje i mlade Kantona Sarajevo, zaključno sa 25.9.2024. godine.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

Dodatne informacije se mogu dobiti u Sektoru za nauku, kontakt telefon: 033/562-069.

Neblagovremene, nepotpune i neuredne prijave neće biti razmatrane. Prijava koja ne bude podnesena u zatvorenoj koverti sa naznačenim podacima se neće razmatrati.



MINISTRICA

Prof. dr. Adna Mesihović



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

5/5

